


Հաստատում եմ
Հայաստանի շախմատի ֆեդերացիայի
նախագահի առաջին տեղակալ


Ս.Լ.Լյուտյան

« ____ » « ____ » 2023թ.

Կ Ա Ն Ո Ն Ա Կ Ա Ր Գ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴՊՐՈՑԱԿԱՆՆԵՐԻ ՇԱԽՄԱՏԻ 17-ՐԴ
ՕԼԻՄՊԻԱԴԱՅԻ I-IV ՓՈՒԼԵՐԻ ԱՆՑԿԱՑՄԱՆ

2023թ.

1. Դպրոցականների շախմատի օլիմպիադայի նպատակներն ու խնդիրներն են.

- 1) նպաստել ՀՀ դպրոցականների շրջանում շախմատ մարզաձևի զարգացմանը, լայն թափ հաղորդել նրա մասսայականացմանը,
- 2) շախմատ մարզաձևը նպատակաուղղել սովորողների բարոյաֆիզիկական և հոգևոր հատկանիշների դաստիարակմանը,
- 3) նպաստել դպրոցականների ունակությունների և հմտությունների զարգացմանը, նպատակաուղղվածության դաստիարակմանը,

2. Շախմատի օլիմպիադայի ղեկավարումը.

Շախմատի օլիմպիադայի ընդհանուր ղեկավարումն իրականացնում է ՀՀ կրթության, գիտության, մշակույթի և սպորտի նախարարությունը՝ Հայաստանի շախմատի ակադեմիայի, տարածքային կառավարման մարմինների կրթական ստորաբաժանումների աջակցությամբ:

Շախմատի օլիմպիադայի հովանավորն է Հայկական բարեգործական ընդհանուր միությունը (ՀԲԸՄ):

3. Շախմատի օլիմպիադայի մասնակիցները, փուլերը և անցկացման ժամկետները.

- 1) Շախմատի օլիմպիադայի մրցաշարերին կարող են մասնակցել մինչև 14 տարեկան դպրոցականները (2009թ. և բարձր):
- 2) Շախմատի օլիմպիադան անցկացվում է թիմային հաշվարկով (թիմը բաղկացած պետք է լինի 4 աշակերտից, որոնցից առնվազն 1-ը՝ աղջիկ):
- 3) Շախմատի օլիմպիադան անցկացվում է չորս փուլերով:

I փուլ - ներդպրոցական մրցումներ:

Այս փուլի նախապատրաստման և անցկացման պատասխանատվությունը դրվում է հանրակրթական ուսումնական հաստատությունների տնօրենների վրա:

Հայաստանի Հանրապետության բոլոր հանրակրթական դպրոցները կազմակերպում և անցկացնում են ներդպրոցական մրցումներ մինչև 14 տարեկան դպրոցականների միջև՝ դպրոցի հավաքական թիմ (թիմը բաղկացած պետք է լինի 4 աշակերտից, որոնցից առնվազն 1-ը՝ աղջիկ) ընտրելու նպատակով, որը և կմասնակցի հաջորդ՝ համայնքային (տարածաշրջանային) II փուլին:

Ժամկետը՝ 2023թ. փետրվարի 1-ից մինչև փետրվարի 20-ը:

II փուլին մասնակցելու հայտին կից բոլոր դպրոցները պետք է ներկայացնեն մրցաշարի անցկացման աղյուսակը:

II – IV փուլերն անցկացնում է Հայաստանի շախմատի ակադեմիան:

II փուլ - համայնքային (տարածաշրջանային) մրցումներ:

Մասնակցում են նախորդ փուլում իրավունք նվաճած դպրոցների հավաքական թիմերը: Անցկացվում է մեկ ընդհանուր թիմային մրցաշար: Յուրաքանչյուր համայնքի (տարածաշրջանի) հաղթող թիմը դուրս է գալիս III՝ մարզային փուլ:

Ժամկետը՝ 2023թ. ապրիլի 25-ից մինչև մայիսի 10-ը:

Երևանի վարչական շրջանների մրցումները կանցկացվեն 2023թ. մարտի 1-ից մինչև մարտի 20-ը:

III փուլ - մարզային մրցումներ:

Մասնակցում են II փուլի հաղթող թիմերը: Այս փուլից եզրափակիչ են դուրս գալիս Երևանից՝ 3-ական, իսկ մարզերից և ԼՂՀ-ից 1- ական թիմ:

Ժամկետը՝ 2023թ. մայիսի 20-ից մինչև մայիսի 30-ը:

IV փուլ - եզրափակիչ:

Մասնակցում են III փուլի հաղթող թիմերը:

Ժամկետը՝ 2023թ. հոկտեմբերի 20-ից մինչև նոյեմբերի 5-ը:

4. Շախմատի օլիմպիադայի փուլերի անցկացման կանոնները.

1) Մրցաշարի II-IV փուլերն անցկացվում են ՖԻԴԵ-ի արագ շախմատի կանոններով: Խաղացողին տրվում է 10 րոպե մինչև խաղի ավարտը՝ յուրաքանչյուր քայլի համար 5 վայրկյան հավելումով:

2) II փուլում կանցկացվի թիմային մրցաշար՝ շվեյցարական մրցակարգով, 9 խաղափուլով:

Մրցանակային տեղերը կորոշվեն ըստ.

ա) թիմային միավորների հանրագումարի (հաղթանակը գնահատվում է՝ 2 միավոր, ոչ-ոքին՝ 1 միավոր, պարտությունը՝ 0 միավոր).

բ) թիմի անդամների անհատական արդյունքների հանրագումարի.

գ) թիմերի անհատական հաղիպման արդյունքի.

դ) եթե այդ ցուցանիշն էլ է հավասար, ապա անցկացվում է լրացուցիչ մրցախաղ (մրցաշար-մրցախաղ՝ կայծակնային խաղի կանոններով յուրաքանչյուր, խաղացողին տրվում է 5-ական րոպե):

Թիմերի քիչ քանակի դեպքում հնարավոր է.

ա) մրցաշարն անցկացնել 7 կամ 5 խաղափուլով,

բ) անցկացնել թիմային մրցաշար՝ շրջանային մրցակարգով:

3) III փուլում, ինչպես նաև IV՝ եզրափակիչ փուլում կանցկացվի թիմային մրցաշար՝ շրջանային մրցակարգով:

Մրցանակային տեղերը կորոշվեն ըստ.

ա) թիմի անդամների անհատական արդյունքների հանրագումարի.

բ) թիմային միավորների հանրագումարի (հաղթանակը գնահատվում է՝ 2 միավոր, ոչ-ոքին՝ 1 միավոր, պարտությունը՝ 0 միավոր).

գ) թիմերի անհատական հաղիպման արդյունքի.

դ) եթե այդ ցուցանիշն էլ է հավասար, ապա անցկացվում է լրացուցիչ մրցախաղ (մրցաշար-մրցախաղ՝ կայծակնային խաղի կանոններով յուրաքանչյուր, խաղացողին տրվում է 5-ական րոպե):

ՈՒՇԱԴՐՈՒԹՅՈՒՆ. I-III փուլերի մասնակիցները իրավունք ունեն մասնակցելու եզրափակիչ փուլին, նույնիսկ եթե տեղափոխվել են այլ դպրոց: